

ne & populi frequentia etiam quasdam primi ordinis civitates superant. Urbes duæ sunt, Leaoyang, 2 Ningyuen, 3 Ycheu, 4 Caiyuen, 5 Quangning, 6 Ningyuen, 7 Chinyang, 8 Kincheu, 9 Cai. Minora sunt, 1 Hai, 2 Tieling, 3 Chungcu, 4 Puho, 5 Kin, 6 Fo, 7 Luixun, 8 Chekiao, 9 Chehai, 10 Quangning, 11 Tingleao, 12 Ganlo, 13 Pieyang, 14 Sanuan, 15 Tanyang; Minora seu tertii ordinis sunt, 16 Chungtun, 17 So, 18 Jeu, 19 Heutun, 20 Yeutun.

Ex his aliquæ viciniore Xantung Provincia, militum præfecto illius provinciae subsunt, nimirum Kin, Fo, Liuxun.

Ingenium
ac indo-
les.

Sunt autem hujus provinciae incolæ ad studia prorsus inepti, maxima ex parte torosi, forma magis quadrata, firmissima membrorum compage, audaces, fortes, ad bella aptiores, laboribusque adsueta: bellis enim continuis ex vicinia Tartarorum arsit regio, ac cum diu pluribus annis Tartarorum excursionibus, deprædationibusque fuisset vexata, tandem sub Kiacingo Imperatore orientalem partem Sinæ pœne amiserunt, victoribusque Tartaris ingens præda cessit; haud ita multo post sub Vanleo iterum irrupentes eam occuparunt; unde ex tanta illorum vicinia, commercio, ultro citroque factis deditionibus, gens fere tota Tartaricos magna ex parte induit mores, ea præcipue, quæ magis vergit ad orientem, atque illa ipsa dein gens pro ipsis Tartaris contra Sinas stetit; & quia pars orientalis à Tartaris occupata fuerat, pro Leaoyang metropoli, quam illi invaserant, Ningyuen, aliam metropolim scilicet, substituit Sinicus Imperator; sed & hæc, & tota fere Sina à Tartaris modo subacta est. Producit regio hæc radicem illam præstantissimam, quam Ginseng vocant, castorum, martium, zibellinasque pretiosissimas pelles, quibus gens illa Tartarorum more utitur ad frigus arcendum, ac simul eas reliquæ Sinæ supeditat. nuces avellanas sylvestres illas minores nusquam alibi vidi in hac extrema Asia copiosiores; pinorum etiam strobilos profert majores ac præstantes. abundat frumento ac mylio; at oryza caret: reliqua porro legumina læta profert, atque olerum genera omnia, maxime brassicarum, quas vix in tota alibi Sina reperias. habet uvas, ficus, poma, pyra, aliosque similes Europæ fructus: unde præclara, ac amœna omnino regio di-

Rerum in
ea copia.

cenda est, præcipue cum montibus multis in locis careat, marisque vicinia, adeoque & commodis utatur. Quod si pacis artibus gens hæc magis esset addicta, haud dubium, quin regio hæc facile una ex præcipuis totius Sinici Imperii provinciis evadere possit, natura enim fertilissima est, at cultui agrorum assidua pœne obstant bella. religio illis eadem, quæ Sinis: idolorum cultui, doctrinaeque quæ animarum transmigrationem admittit, adhærent. illud exoticum, à cæteris diversum prorsus ac singulare, quod saltantes habeant sacrificulas, seu foeminas, quales illæ apud Hispanas agyræ seu cingæræ sunt, quas Gitanas dicunt, invitatae enim præstigiatrices illæ vel ad ægritudines è domo pellendas, vel ad avertendam sortem infelicem, aut spectra, si quæ forte domi esse putantur, depellenda, diu noctuque tympana ac pelves pulsantes saltant, tripudiantque absque cessatione. Vidi hoc apud Sinas fieri à gente illa, quæ Tartaris militabat, planeque mirabar, quo pacto homines illi tam diu saltantes durare possent, & quomodo ægri tantum tripudiantium fragorem, ac strepitum ferre possent.

Religio.

Saltatri-
culæ.

Funghoang mons ad ortum Leaoyang. Hunglo mons prope Chungtun. Tatuon mons circa Ningyuen. prope Quangning est Vansung mons. Lungxeu mons prope Tieling. Cu mons ille est, in quo Xanghai munimentum insulam in mari facit. Lienyun Insula prope Cai civitatem; Taohoa Insula in mari ultra Ningyuen, à navibus, ob commodam stationem, admodum frequentata. Changpe mons ad muri initium in Tartariam usque excurrit, ingens omnino ac altus est: in eo lacus octoginta stadiorum, immensæ profunditatis, ex quo duo magni fluvii ortum ducunt, qui versus austrum fluit dicitur Yalo; qui ad Boream, indeque in ortum deflectit, Quentung, de quibus in Tartaria Niuche egi.

Montes.

Leao fluvius, cujus origo in Tartaria extra murum est, ad occasum Sanuan muniti in mare se exonerat, & versus occasum præcipue paludosus est, ac limo profundo admodum ripas habet oppletas, unde scriptum est à Sinis, Taicungum Tangæ familiæ Imperatorem volentem in Coream exercitum ducere, pontem, seu potius aggerem struere coactum ducentorum stadiorum. Yalo, de quo sæpe locutus sum.

Flumina.

Corea